

**RAPORTU
N° 2015/O1/021**

ASSEMBLEA DI CORSICA

1^a SESSIONE URDINARIA DI U 2015

RIUNIONE DI U 13 DI MARZU DI U 2015

**RAPORTU DI U SGIÒ
PRESIDENTE DI U CUNSIGLIU ESECUTIVU**

**PRESENTAZIONE È VALIDAZIONE DI A SESTA FINANZIARIA
PÈ A MESSA IN OPERA DI A FUTURA PRUGRAMAZIONE
FEAMP 2014-2020**

CUMISSIONE CUMPETENTE :

CUMISSIONE DI E FINANZE, DI A PIANIFICAZIONE, DI
L'AFFARI EUROPEI È DI A CUUPERAZIONE

<p>RAPORTU DI U PRESIDENTE DI U CUNSIGLIU ESECUTIVU DI CORSICA</p>

OGETTU: Presentazione è validazione di a sesta finanziaria pè a messa in opera di a futura prugramazione feamp 2014-2020

I- RAMENTU di u CUNTESTU:

Cun deliberazione n° 14/067 AC di u 5 di ghjugnu di u 2014, l' Assemblea di Corsica hà deliberatu autorizendu u Presidente di u Cunsigliu Esecutivu à negozià cù u Statu i crediti cumunutarii necessari da mette in opera u PO FEAMP (cum'è l'inviluppu ottenutu pè u PO FEP Corsica), vene à dì à u minimu 4,2 miglioni d'eurò (cumpresu i crediti d'assustenza tecnica).

Cun listessa deliberazione a nostra assemblea hà dinù autorizatu u Presidente di u Cunsigliu Esecutivu à dumandà l'auturità di gestione delegata pè e misure « regionalizevule » di u prugrama FEAMP, da cunfidà ne a messa in opera à l'OEC chì sarà insegnata cusì da urganisimu mezanu gestunariu di a dutazione glubale di u fondu.

Primurosa di una governanza bona, l' Assemblea di Corsica in terzu puntu hà vulsutu chì l'OEC sia dinù auturità di pacamentu di i crediti cumunutarii du FEAMP, in u quattru di un dispositivu simile à u PO FEP.

II- U NEGUZIATU :

Arrimbati nant'à issa decisione di l' Assemblea di Corsica, subito da u mese di lugliu di u 2014, i servizii di l'OEC sò stati cunviati à parechji scontri urganizati da a Direzione di e pesche marittime è di l'acquacultura (DPMA) in Parigi cun tutte e regione francese per mezu di l'Associu di e Regione di Francia (ARF).

À livellu locale hè stata urganizata una cuncertazione larga da l'Uffiziu di l'Ambiente trà i servizii di a CTC cuncernati (OEC, DAEI), i servizii di a DIRM di Corsica (ex affari marittimi) è i sociuprofessionali d'issu settore.

Trà mezu à i criterii di negoziati messi in risaltu da a DPMA, dui parametri anu permessu à a Corsica di tene in issu negoziatu un postu favurevule.

Di prima, un criteriu d'analisi impurtantissimu pè a Cumissione europea in quantu à "u percentuale di a fluttiglia di pesca custeru in a flotta locale ». Di fatti, in u Regulamentu UE n° 508/14 di u 15 di maghju di u 2014 di u Parlamentu europeu in quantu à u FEAMP, a piccula pesca custeru hè « puru puru » considerata da Brussele cumu un'attività artigianale da tene à contu in u quattru di una strategia di sviluppu durevule, pè uppusizione cù i battelloni di e pischerie industriale d'altumare . Hè situata à un ranghu propiu bellu a Corsica, postu chì nant'à 196 licenze di pesca professionale, sò arrigistrati 188 battelli indrent'à issa segmentazione "picculu mistiere".

Dopu vene un criteriu dettu « storicu ». Cusì a DPMA, da una banda partendu da u vulume di crediti attribuiti à u titulu di u prugrama precedente, pratendia di ùn attribuisce à a regione cunsiderata da u FEAMP una soma inferiore à u FEP 2007-2013, è da l'altra banda, piglià da riferenza u livellu di prugramazione è di cunsumazione d'issu prugrama. Or, nant'à issu puntu, a regione Corsica si hè vistu ch'ella era a 2a regione francese ghjustu dopu à a regione Britannia, cù un FEP prugrama à più di 92 %.

III- RISULTATI DI U NEGUZIATU :

A Corsica si ne hè surtita piuttosto bè da isse discussione postu chì, in cunfurmità cù a dumanda di l' Assemblea di Corsica, a Cullettività Territoriale di Corsica di prima hè stata **insignata** da **auturità di gestione delegata** pè a messa in opera di e misure dette « regionalizevule » di u FEAMP.

Da un'altra parte, per mezu di una lettera cun data di 17 è 23 di u scorsu ottobre, u secretariu di Statu incaricatu di i trasporti, di u Mare è di a Pesca, u sgiò Alain VIDALIES, **nutificava** à u presidente di l'Associu di e regione di Francia **l'inviluppi di crediti europei** chì venenu ad ogni regione nant'à u PO FEAMP. Da permette ch'ellu sia purtatu issu prugrama, a Corsica hà pussutu cusì ottene un inviluppu di crediti cumunitarii di **5,424 M€** pè a messa in opera di a prugramazione 2014-2020 (invece eranu 4,2 M€ pè a prugramazione 2007-2013 FEP, pianu « Langouste » inclusu).

Cun issa basa, si hè stabilitu una **sesta finanziaria** appiccata à stu raportu.

U totale ammintatu quì sopra rapresenta **4,602 M€ di crediti europei per l'intervenzione è 0,822 M€ à u titulu di l'Assistenza tecnica** dedicata à a gestione, à l'animazione, à a prumuzione di u prugrama per mezu di a nostra cullettività. Isse missione anu da esse fatte da l' Uffiziu di l'Ambiente di a Corsica chì, in più di e so competenze, t'hà digià a sperienza d'issu tipu di fondi da u 2007 cù u PO FEP.

Ci hè dinù chì i percentuali europei di partecipazione in a spesa publica, si ne hè fattu l'avanza in basa di un percentuale mezanu di 65 % di partecipazione à titulu di i crediti FEAMP (invece di 30 % pè u FEP) è 35 % di partecipazione à titulu di i crediti nazionali (invece di 70 % pè u FEP).

Issu impulsu di l'Unione europea materializatu cù una partecipazione finanziaria più maiò in u prugrama, è cù un percentuale mezanu più altu, cun dinù l'impegnu di u Statu in a sesta finanziaria per 619 501 € à u titulu di e cuntraparte nazionale, tuttu permette indirettamente à a Cullettività Territoriale di Corsica di ammaestrà u so impegnu longu à u periodu.

Dunque, u muntante d'issa **partecipazione di a CTC à u FEAMP sarà di quasi 2,6 M€** in u periodu 2014-2020 (invece di 2,94 M€ pè u FEP pianu "langouste" inclusu). S'omu piglia in contu i ritardi ammintati più insù, a messa in opera effettiva di u prugrama, cum'è pè u FEP, soca sarà spustata in u periodu 2015-2022, cum'ellu a permette u decretu d'eligibilità di e spese.

Issa capacità d'intervenzione ch'ella cuncede a messa in opera d'issu prugrama FEAMP hà per cunsequenza di ghjunghje à cumpletà e varie intervensione di

l'Uffiziu in quantu à l'ambiente marinu, in particulare in i settori di a pesca, di l'acquacultura è di a gestione di e risolve alieutiche (prugetti d'impresa, aiuti à i publichi gestiunarii di porti, aiuti à e cumune per l'acconciu di retrucosta, scugliera artificiale, cale, varii studii, prugrama sperimentali, sustegnu à e strutture sociuprofessionale, uoperazione cun maestria d'operata OEC, è cet.).

È per compie, si rimarca un cambiamentu in a purcedura di liquidazione di l'aiuti. Di fatti i pacamenti di e partecipazione cumunutarie à l'operazione ligate cù issu prugrama saranu trattate da l'OEC, ma trasmesse à l'Agenza di Serviziu è di pacamentu chì ne farà a liquidazione. Issa dispuzione hè di natura à simplificà a messa in opera di i crediti.

IV-VALIDAZIONE DI A SESTA FINANZIARIA FEAMP :

Dunque vi si dumanda di prununzià vi, in basa à stu rapportu è in quantu à st'elementi quì::

- In quantu à u modu di governanza, in cunfurmità cù u Decretu n° 2014-580 di u 3 di ghjugnu di u 2014 relativu à a gestione di tuttu o solu parte di i fondi europeu pè u periodu 2014-2020, è cun dumanda soia, a CTC assicurerà **l'auturità di gestione delegata** pè a messa in opera di e misure dette « regionalizevule » di u FEAMP, è ne darà a messa in opera à **l'Uffiziu di l'Ambiente di a Corsica**, chì avarà in particulare l'inseme di i crediti previsti à u titulu di l'Assistenza tecnica.

- In quantu à u bugettu attribuitu à a messa in opera di u prugrama, a CTC **valideghja u prugettu di sesta finanziaria pluriannuale** cum'ellu hè presentatu, è dinù a so cuntribuzione finanziaria à u prugrama FEAMP per **2,6 M€** (assistenza tecnica inclusa).

Vi precu di deliberà ne.

ASSEMBLEA DI CORSICA

**DELIBERAZIONE N° 15.XXX A.C. DI L'ASSEMBLEA DI CORSICA
CHÌ PORTA NANT'À A VALIDAZIONE DI A SESTA FINANZIARA
PÈ A MESSA IN OPERA DI A FUTURA PRUGRAMAZIONE
FEAMP 2014/2020**

SEANZA DI U

L'Annu duemilaquindici è u , l'Assemblea di Corsica, cunvucata regolarmente si hè accolta in numeru prescrittu da a lege, in u locu abituale di e so seanze, cun presidenza di U Sgiò Dumenicu BUCCHINI, Presidente di l'Assemblea di Corsica.

L'ASSEMBLEA DI CORSICA

VISTU u Codice Generale di e Cullettività Territoriale, Titulu II, Libru IV, IVa parte,

CUNSIDERENDU a pulitica di gestione, di prutezzione è di valorizzazione di l'ambiente di a Cullettività Territoriale di Corsica chì a messa in opera ne hè stata cunfidata à l'Uffiziu di l'Ambiente di a Corsica,

CUNSIDERENDU a designazione di l'Uffiziu di l'Ambiente di a Corsica da urganisimu mezanu gestiunariu di a dutazione glubale di u PO FEP pè a Corsica pè u periodu 2007-2014, relativu à u sviluppu durevule di a pesca professionale è di l'acquacultura,

CUNSIDERENDU u bilanci u d'issa prugramazione,

CUNSIDERENDU u futuru Prugrama operaziunale FEAMP (Fondu europeu pè a Pesca è l'Affari marittimi) pè u periodu 2014-2020, chì hè avale in cor'di finalizzazione,

VISTU a deliberazione n° 14/067 AC di l'Assemblea di Corsica di u 5 di ghjugnu di u 2014 chì porta nant'à e pruspette è e mudalità di gestione di a futura prugramazione di u FEAMP per 2014-2020,

CUNSIDERENDU i currieri di u sgiò Alain VIDALIES, Secretariu di Statu incaricatu di i Trasporti, di u Mare è di a Pesca, cun data di i17 è 23 di u scorsu ottobre, indirizzati à u Presidente di l'Associu di e regione di Francia, chì nutifichghja à e regione i crediti europei pè u FEAMP,

NANTU À rapportu di u Presidente di u Cunsigliu Esecutivu di Corsica,

DOPU DELIBERATU**ARTICULU PRIMU :**

APPROVA u raportu presentatu da u Presidente di u Cunsigliu Esecutivu di Corsica.

ARTICULU 2 :

CUNFIDA in u quattru di a so delegazione d'Auturità di gestione, à l'**Uffiziu di l'Ambiente di a Corsica** a missione di a messa in opera di u PO FEAMP pè u periodu 2014-2020.

APPROVA u prugettu di **sesta finanziaria** cum'ellu hè presentatu pè u periodu 2014-2020.

VALIDEGHJA à u titulu di a cuntribuzione publica naziunale a **partecipazione di a Cullettività Territoriale di Corsica** à u prugrama **FEAMP** pè una soma totale di **2,6 milioni d'eurò** nant'à u periodu cunsideratu, assistenza tecnica inclusa, è dinù l'attribuzione di u bugettu currispundente à l'Uffiziu di l'Ambiente di a Corsica.

ARTICULU 3 :

A presente deliberazione sarà l'ogettu di una pubblicazione in a raccolta di l'atti amministrativi di a Cullettività Territoriale di Corsica.

AIACCIU, u,

U Presidente di l'Assemblea di Corsica,

Dumenicu BUCCHINI